

ما رننگ گو جری نیو ز بلیٹن مو رخہ 24 ستمبر 2025

یوہ آکا شوانی جموں ہے محمد اکرم تیں خبر سُنو۔

CM CHEQUE

وزیر اعلیٰ عمر عبداللہ نے یونین بینک آف انڈیا غو شکریو ادا کیو جس نے جموں کشمیر مانہ سیلاب تیں متاثرین غی مدد واسطے ایک کروڑ روپیہ غو تعاون دتو ہے یوہ چیک سول سیکرٹریٹ مانہ وزیر اعلیٰ نانہ باضابطہ طور ور پیش کیو گیو وزیر اعلیٰ نے کہی و کہ یوہ تعاون جاری راحت تے باز آبادکاری غا اقدامات مانہ بڑی مدد فراہم کرے غو۔ اس دوران ایم ایل اے بانہال سجاد شاہین تے ایم ایل اے بدھل جاوید اقبال نے وزیر اعلیٰ تیں ملاقات کی تے اپنا حلقاں غا ترقیاتی مسائل ور گل بات کی۔ وزیر اعلیٰ نے یقین دہانی کرائی کہ چایا و تمام معاملات غو جائیزو لیو جے گو تے ان ور مناسب کاروائی کی جے غی۔

ITOO AYURVEDA

وزیر صحت و طبی تعلیم سکینہ اتو نے کہیو ایورویدا بھارت گی ثقافتی دانشمندی غی عکاسی کرے۔ وے کل مجازی طور ور دسویں نیشنل ایورویڈ تہاڑا غی تقریب تیں خطاب کر رہی تھیں جس غو اہتمام ڈائریکٹوریٹ آف آیوش جموں کشمیر نے کنونشن سینٹر جموں مانہ کیو تھو۔ وزیر نے ایورویدا غا فائدہ تیں متعلق وسیع پیمانہ ور بیداری پیدا کرن غی ضرورت ور زور دتو خاص طور ور اس غا کم تیں کم مضر اثرات نانہ اُجاگر کرتا و انہاں نے حکومت غا صحت گا شعبہ مانہ مختلف اقدامات غو ذکر کیو ہے کہیو کہ عمر عبداللہ غی سربراہی آلی سرکار جدید طبی سہولیات نانہ دور دراز تے دیہی علاقاں توڑی پُجان واسطے پُر عزم ہے۔

بھارت نے اقوام متحدہ غا انسانی حقوق کونسل مانہ پاکستان نانہ سخت تنقید گو نشانو بنایو۔ جنیوا مانہ بھارتی مشن غا افسر کشیتج تیاگی نے کہیو کہ پاکستان بھارت غی زمین ور قبضہ کرن غی کوشش کرن غے بجائے اس نانہ خالی کرے تے اپنی تباہ حال معشیت نانہ سنبھالے جھڑی زندگی غا سہارا ور کھلی بے انہاں نے کہیو کہ پاکستان غی سیاست فوجی دباؤ مانہ بے تے انسانی حقوق غی پامالیاں تیں داغدار بے انہاں نے مزید کہیو کہ پاکستان نانہ دہشت گرد برآمد کرن اقوام متحدہ غی پابندی یافتہ دہشت گردی نانہ پناہ دین تے اپنی ہی عوام ور بمباری کرن تیں گجھ وقت کڈنو چاہیے۔

DAY 7 SEVA PARK JK

جموں صوبہ گا مختلف ضلاع مانہ سیوا پرو غی تقریبات جوش و جذبہ نال منائی گئی 7 ویں تہاڑے چیف سیکرٹری اٹل ڈلو نے کشمیر غا ضلع گاندربل مانہ ایک میگا صحت کیمپ غو افتتاح کیو ضلع راجوری مانہ محکمہ صحت نے سواستھ ناری شکتی شالی پریوار مہم غے تحت 6 بلاکاں مانہ خصوصی طبی کیمپ منعقد کیو ریاسی تے ڈوڈہ ضلاع مانہ صفائی مہم تے فلاحی سرگرمی ہوئی۔ رامبن مانہ بھیڑ پالن محکمہ نے فلاحی اسکیمیں ور بیادری پروگرام تے طبی کیمپ منعقد کیا ادھمپور مانہ عوامی آگاہی پروگرام تے طبی جانچ غو کیمپ لایو گیو سیوا پرو غے تحت یاہ سرگرمی عوامی خدمت تے اجتماعی بھلائی غی مثال بے۔

*~*****~*

PROG ANN

علاقائی خبراں آلا یونٹ آکاشوانی جموں غی طرفوں ایک خصوصی مباحثہ پروگرام نشر کیو جارہیو بے جس غو وقت 30 منٹاں گو وے گو تے موضوع بے آتم نربھر بھارت یوہ پروگرام سیوا پرو 2025 غی تقریبات غا سلسلہ مانہ نشر کیو جارہیو بے جھڑی کہ 15 ستمبر تیں منائی جارہی بے یاہ خصوصی نشریات 24 ستمبر 2025 نانہ دوپہر ساڈھ 12 بجے نشر کیو جے گو اس خصوصی نشریہ مانہ مہارا مہمان ارون منہاس ڈائریکٹر مہکمہ انڈسٹریز و کامرس جموں پنا خیالات تے ماہر آراء پروگرام گا موضوع ور پیش کرینگا پروگرام گی میزبانی ماری

اینکر شروتی کھجورہ تے ابھیلاشا شرما کرینگی آکاشوانی نیوز جموں سنگ یوہ
پروگرام میڈیم

ویو303میٹر یعنی990 کلو ہٹز تے ایف ایم100.3میگا ہٹز ور سُن سکیں گا۔

ASIA CUP

مرداں غا ایشیا کپ کرکٹ ٹورنامنٹ غا گروپ 4 مانہ
اج بھارت غو مقابلو دبئی انٹرنیشنل کرکٹ سٹیڈیم مانہ
بنگلا دیش سنگ وے گو۔ یوہ مقابلو بھارتی وقت غے
مطابق شام 8 بجے شروع وے گو۔ اج جتن آلی ٹیم ایشیا
کپ 2025 غا فائنل مانہ اپنی جگہ پکی کر لے گی۔
مانہ اپنا پہلا مقابلہ 4دوباں ٹیماں نے گروپ
جت لیا۔ جس مانہ بھارت نے پاکستان مانہ جد کہ بنگلا
دیش نے سری لنکا مانہ شکست دتی تھی۔
